

湘綺樓日記

光緒十八年壬辰

壬辰歲正月朔旦辛酉雨風晨起辨色率諸生五人尹嘉猷 禮先聖先師
湘水神俱斟酌古今禮設拜不上香禮先聖先師 禮先聖先師 禮先聖先師
廟廟畢五生設酒果小坐朝食後沈子粹齋禮卿父子程商霖兄弟來
黃船芝來向夕乃閒還內攤錢燈上即寢

二日陰不寒晨起宅門未開待久之乃入朝食於外齋船至楊家門口登
岸昇過六家門從瀟湘門對岸過渡至衡州府清泉縣門通判劉門遂
西至兩縣學門入大西門至都司協錄門訪萬丞小酌少談循正街還
到兵備府學門及程素諸家而還唯北門買家未去發家書由水師寄
去從鹽丰渡湘還院賀郎彭佩芝楊斗垣來陸黃來未遇

三日晴楊伯璠蕭伯康秦子和陳子聲朱宗勝來始理字課聽詠杜詩注
湘綺樓日記 光緒十八年壬辰

三女鬪牌紛爭曉號初睡未能料理父子異宮不宜問也得譚敬甫復
書

四日晴煊煥小毛衣猶汗浹胸背萬丞派訓導丁篤生陳郎謝壽高都司
鄭贊侯來鄭曾至蜀半年竟未相見又曾在吳竹莊處相知聞年五十
五須白耳聾如六七十許人談詩莊以余爲懷社之寄免不知者詬厲
也又與袁爽秋王蒿菴相善亦喜繆小山而盛詆近日文衡諸公陳郎
云壽衡病甚五更大風雷雨而不能寒

五日雨澍如春寄銀與雅南校諸藥登樓迎春看梅花標字食狸殘雞甚
甘美夜聽蕉上雨聲居然似船背明燭賞之西禪二僧來請作佛會
六日雨寒丙寅申時立春依例迎福因令子女入學鏡兒辭以日辰非吉
荒席不足誨也聽之而已寄家用與長婦餘附寄者遂至十金其奢如
此五十年前借十金遂度歲象允正月禮也

人日有雪楊慕李孫翼之來兒女讀書余昏昏睡去比醒已散去矣校之
廿年前真成兩代也

八日陰雨竟日督課講書頗能提振說易大牲亦有搜剔姚銘閣來包稅
更憶劉剛直投書時人定不可以禮化故撥亂先進野人知士大夫積
習之深也夜雨濃酣有助幽夢復煊竟夕未醒

九日雨更冥濛搜蔬若送西禪寺助道場供設清坐無事竟無可作督課
如額復始學書我講詩

十日晴午泛湘入城補買年至四家俱未入出城赴西禪寺行香執爐隨
僧禮佛從來未行此禮劉通判沈子粹程商霖寄禪僧俱集以余齋設
初開經也劉自命老吏而語多俗法又別自一種抑塞之才使其得意
未知於王下何如夕散補課

十一日陰遣謫兒往行香諸女惟理字課辦檣僧線布道值空乏僅能每
湘綺樓日記 光緒十八年壬辰

僧供錢三百猶假之於傭婦布店更無紅布遠市求索爲難也

十二日陰遣復女送櫬去於彼法亦可謂應酬周到者蘭馨蘭馨自不可
少復曾竹林書

十三日雨未明有狂人登樓叫呼自起逐之條然去矣還疑待旦起稍晏

朝食後正講書西禪二僧來偶出臨水還見新柳蔥然已黃作詩一首
雲雨新水漁汀洲魚群芳何處遊人惜貴初黃柳與柳共秋風方盡
風雨爭流至有川早暮佳期安可

十四日陰曾使求書去考考生多來見者我與小女戲偶謂之便拂衣睡去
余諸女皆傲很谷之則不可責之則傷恩未知近代人皆然耶抑獨余
家有此也前七人皆未至此誠十年內失教之過

十五日雨諸生入賀節者十一人文瀾來夕食甚甘師子來角紙諸女
出看余獨守屋上下然獨煮湯圓成糜令擇好者供薦禮

廟賀節已二更矣小坐烹茶月出朦朧已有春景童稚無足與嬉又多
爛漫睡去余亦還寢

十六日雨講易切字畢攜盈孫至城入江南館官士十餘人爲補履六十
歲秦子和以喪不與會而衣冠待行禮先辭謝之並答謝文擅湖主人
先至者二程蕭楊伯璠清泉令楊斗垣丁篤生孫翼之沈子粹續至余
未出迎者文衡州子章劉通判心葵鄭贊侯高都司葆吾後至者備丞
隆兵備丁星五余與擅湖共三席亦有笙笛猶處於省城大雨水尺餘
夜還如客行江湖野興寥曠子粹贈詩卽和二首
會試慶風盛通寶該高
客臨詩餘白雲空輪重訪共遠界平生依傍清之南寒月清潤新發柳柳神更
候風風書程十年已指一頭與山臨湖酒味更香

十七日陰晏起講書切字我女心尙不及滋略愈熾耳今乃知之丁
生來入學衣冠見之舟至大馬頭昇往道署諸客畢至設二席陳丁魏

湘綺樓日記

光緒十八年壬辰

三

蕭二程一楊朱共十客一主散稍遲至院皆睡去惟嫗婦相待外一僮
耳午月照窗明燈獨坐

十八日朝雨晨陰食後出看馮絮卿問江南官事還講書已夕矣切字一
百不辨筆畫然燭畢課入講詩草蟲教婦順亦非以順爲正以禮爲順
也孟子引昏禮而曰妾婦之道謬矣幼卽疑之未暇指摘耳說易或承
之羞及論語不占而已皆有疑易無以羞爲辱者又何以云不占疑承
羞仍當用否爻義言或以爲爲羞也禮有常典焉者祖實實者豆實今
或以承爲羞是爲不占言助祭者膳不待占也占卜古爲一字說文占
視兆問也卜以問疑也一字誤分明矣書占疑或作稽疑今文誤以
下有占字而殊之不官不卜者卜主於人占主於鬼神也人而無恆則
不待卜不卜則鬼亦不知也語言作巫醫者南人本言巫醫當以恆人
爲之後改爲卜筮故記曰古之遺言或曰占口在下卜口在旁用口在

外三者爲指事字用从卜中非也當作申卽中字後分二耳然卜在口
內無義得沈宜甫書

十九日雨寒課讀一日頗似初在石門時絮卿來留坐看新樓並入室談
李桂林孫來見陳氏外孫也頗有外家風無李氏蠻氣當可成也召匠
檢漏因開左門占書壁宿值日開門大利富生英賢恰合書院之祥無
心巧合必有驗也

廿日寒雨督課竟日說旗傳終莫之聞扞格未通夜乃悟爲旅人喪牛無
人肯告故莫聞也

廿一日辛巳雨水雨寒

廿二日晴陰始有春意陳孫石次子來及李桂林孫俱入內齋受業蕭鶴
祥之父來傲然自得鄉中腳色也說堂發爲耦隨君大夫射貫侯前君
射三侯爲優尊者後士射三侯爲優賢者大有經義前思所未及也檢

湘綺樓日記

光緒十八年壬辰

四

禮經多校人借去不知誰某所謂借書一癡者鄭衡陽送詩來押韻穩
妥大似張粵卿

廿三日晴得常晴生書並送壽禮羅榮來求薦館近日諸生皆沿門託鉢
者士風不振可爲一嘆和鄭老漁二詩所謂押韻而已檢日記誤少一
日廿一日猶未霽雨中無事忘記一日也小女字課不誤余固未信得
鄭漁侯書乃知之夜雨

廿四日晴煖復書晴生春氣驟發草木皆欣欣有花葉之意檢爾雅釋草
篇重校改之

廿五日昨夜雷雨驟寒竟日雨晦不復能行游講讀如額

廿六日雨寒有小雪久開游情重鈔補詩箋一葉金蓮僧寄禪來捐船
爲移監院詳府取之

廿七日雨鈔書課讀猶有閒日得張文心書爲孺人作一小傳非常人情

也又寄悼亡詩來求作妻志殊無新穎可記者新田文若火來見道妻請閱卷者懿講離騷畢

廿八日雨改由房舊說駁房中樂以爲非典正攷索問兒來云滋女與兒均至矣院生方送禮爲余補祝兒女均至可喜也滋在黃家甚不安留依爲宜允允紛紜奏睿臣來內外喧騰常增來瑞侍姑疾不至

廿九日陰諸生入賀者十五人外客有彭黃皆謝未見設湯餅三筵內外家人二席朝食後又喫麪三盤院生補到者三人又出見之竟日停課

二月庚寅朔雨講課畢出謝客已哺矣秦子和來催客自湘東還船赴之朱從九容臣沈子粹程商霖俱先在戊初散還諸人俱倦寐欲坐無可坐乃出鈔書一葉與功兒略話即睡半寐忽醒殘燈猶明復起少坐廖曾蘇丈云收恤左孟辛之子云已流落不堪談話分明增人感愴

二日陰子和來督課早畢鈔書二葉講北門有疑焉王事適我必非泛言

湘綺樓日記

光緒十八年壬辰

五

蓋亦衝朔之事出北門者廿五年會燕伐周人自外者入國王事蓋謂四年立黔牟立八年出十三年矣政事則未知何指備丞召功兒食並及與兒冒雨而往

三日晴方入內講書偶出過程楊俱過功兒者出談頃之去功兒校詩箋本余亦欲通校改未暇也

四日晴鈔王風畢計每日可二葉未爲懶也陳復心偕其弟師彭政欽字肅齋來兩湖院生不及陳也陳問學其殷似有悟者

五日晴南風大煊豫飭酌事山茶一朵同心偶丞來衣冠答訪功兒老輩過謙余不能也夜大風復寒

六日大風陰寒課讀半工功兒率兩弟至西禪寺楊家催客往則絮卿偶丞先在程楊後至夜雨如酥步泥還船功兒尙未還將睡復歸小坐寢

七日丙申驚蟄雨家人庇具余齋內寢停課一日唯寫詩二葉夜分乃寢

八日丁酉初祭

行禱以顯贍給案古禮婦人不合食於今情事未宜故設位而祝不稱亡於禮之禮也午初始行事未初餽乃朝食未覺飢倦兒女俱與執事又依今禮不與於獻哺後小女孫輩看壽佛道場云有煙火衝俗所重也大晴甚寒燂火以溫夜月如雪

九日陰朝課未畢絮卿來談本約今日竟日談爲設麪飯要二楊三八阻蕭禮卿商霖同集陸續來已夕矣散猶未夜

十日陰夕雨雷復常課早畢欲作雜文未決也鈔詩二葉

十一日陰雨甚寒常增要伯琇同來小坐去課讀如額鈔詩一葉

十二日晴仍寒鈔詩一葉作書與景韓遠與兒往學習世事寫字三張

十三日陰常寄鴻段懷堂來課讀無暇僅而後畢莪生生日未講書兩兒今日當去以閉日改期二日寄字五六紙

湘綺樓日記

光緒十八年壬辰

六

十四日雨風甚寒切字課未畢樓被放船答訪孫翼之沈子粹至僑丞處會飲楊慕李蕭理卿劉小峰寄鴻同集待久矣席散與陳郎復心小坐僑丞同往程家饌慶春甫母八六生日還船宿夜雨

十五日雨寒午後小雪曾介石來談晨至程家祝壽賓客雜至云設五十席余在內坐待僑丞至乃設湯餅王魯峰段懷堂袁海平同坐還舟將至東洲兩兒船已發相遇便令即去金蓮僧來言訟事謝令亟去

十六日雨

先府君忌日素食獨居郭兒郎沈壹甫從長沙來不能不見已而二程來謝黃德來拜壽秦郎子和來看壹甫皆入談且留飯非特衝破忌日乃更熱鬧於平時無可如何也申初設薦西正子和去郭沈同宿對房郭報輪仙陸恆齋之喪

十七日雨寒沈發隱辭去艾刻工送請來校未畢文太尊送詩來與書謝

之並與衡令書薦沈生陳復新來留居客房不肯即被破其甥榻諸生皆往應考也諸女暫入內齋並糊樓窗令滋女時坐其間不恆與婢媼為緣以洗浴陋王傭欲蠶織余嘉其意將求蠶子與之

十八日愈寒雨愈細如塵稍理女課文太尊贈壽詩沈萱甫催薦館恩恩復之鈔詩一葉改定青衿往來之義切字講書燬火始能列坐然不似冬寒尚能作字

十九日戊申社日雨陪客稍暇聞入督課精神不甚相屬聊應故事耳送米人索錢竟無以應借呖郎十千應付復為富有

廿日寒雨稍聞瀟瀟非春謝作書應見郎之求以干郭藩並致撫部恐無益也午後客去復心亦辭暫歸夜暇和文衡州二詩陳芳曉又專足來亦作書復之諒其苦衷存吾交誼前怒殊不必也

湘綺樓日記
光緒十八年壬辰
七

廿一日庚戌春分雨雪時見日晏起慵偃睡午前復晴新燕參差登樓看水夕步洲旁訪桃花猶未及院中盛開地亦未芽春已半矣鈔詩一卷成課讀如頌

廿二日雨寒鈔詩齊風起本欲仍舊以抽補反廢前功不如作清本得二分也程生招陪僑丞發生雨未能去遣李孫往要之

廿三日雨濛濛鈔詩一葉將入城賀僑生日保之來及其第八子新同至留談一日清言娓娓亦復可聽但不容他人說一句又非小時爭閒事之比凡人老大學成即有此敝我自謂不好奉承又未知比馬士英何如哺後入城至倉頡祠僑丞避客於此馮絮卿程楊俱在又一躲生

法也麴至辭還招保之父子同食夜談至更初辭去余未登舟舟小入衆徒為擾耳夜作二詩

廿四日雨晨起看鄧船猶未開陳傭女附舟去將分付進止皆尚未起頃之去已發矣樊衡陽來久談登樓客去始理功課鈔詩一葉

廿五日陰急督學課防有客至未幾僑丞果來久坐乃去初字畢已過哺矣鈔詩一葉夜再睡醒起視尙餘數行字未了又補成一葉迎醫治外孫耳疾兼治真吻乃欲服湯藥笑而已之

廿六日陰晴桃李並開乃督課無暇出游午後乃攜四小女渡湘小步天濛濛欲雨鈔詩三葉懿講易畢

廿七日陰四僧一令來送費半日新清泉劉榆生字星白丙戌進士人似樸實鈔詩三葉懿始講書諸女初字未畢已暮夜乃畢之雨瀟瀟至曉

湘綺樓日記
光緒十八年壬辰
八

廿八日雨竟日石鼓館師胡鎮北來字敬侯壬戌舉人官教諭十餘年矣道署送課卷來百七十四卷晨起為繕閱一過午後始畢兒女並未暇課素容臣來請客冒雨舟行僑丞丁素來程同坐云張聯桂得桂撫唐硯農黔臬矣政府拔優秀於外臺殊不知其何取蓋以正途未便索錢

耳夕還夜至衣履盡濡夜早眠三更後覺展轉不寐

廿九日雨竟日湘水驟漲夜寒欲雪作文心妻墓志成文格不高揮灑如意甚自得意再鈔視之平平耳與書文心詩之兒女課畢登樓夜坐

二日未鈔經難於補足矣
三月己未朔晴朝食後初字畢早至東岸答訪黃總兵即至馮家絮卿方陳設花木看畫册有王曉霞董友善山水花卉并數十葉云甘肅名家又有趙千里阿房宮圖董思白字冊待至日昃僑丞程丁楊續至懿兒侍坐西正散派湘還水盛漲行半時許得一人助榜乃至夜雨

二日雨復寒課寫字一紙諸生未取錄者及後至者來見數人得瑤女書鴈其甥黃榮辛云欲從學大概思得一課以給膏火耳非擔簦裹糧者也

三日雨滋起甚早云令節欲踏青庭中猶不可步杏花未坼小桃漸開較城中固勝課未畢陳復心來同朝食久坐問政學甚殷與論愚所以立之道要在求人午後去方登樓寄禪來辭留夕食遂至暮夜乃畢課已倦矣十二日鈔廿八葉書疲極無以加比之世人猶爲勤也

四日雨寒課早畢刻字人從省城來家中寄雜物四日而至云曾沅浦修年譜震伯率衆搶其稿本荒唐至此又劾剛所不爲湘孫生日作殺賊夜睡稍遲

五日晴早起鈔書二葉猶未得食申飭之常寧課外生來見以先人院待

取今不取恐占房見詰也鄒刻字借錢四百欲擾我是區區者耳督課

湘綺樓日記

光緒十八年壬辰

九

早畢謝庭蘭習爾雅來欲留住廖生云今年坐取者盡未取頗爲公道

去年畏鼎甲妹夫今則無情面矣衡山一曹生道臺熟識亦未列正取

俟覆試升之

六日晴稍煖遣湘孫往程陳楊三家拜年未初去仍督課如額懿茂始看

左傳蓮耶作巡丁去

七日晴煖湘孫出城小船流去還亦吐歐王婦亦吐信婦女之不宜出游

天定之也遣吳僮人城請客套禮也恐其來而先迎之並與書程生戒

用燒豬

八日晴丙寅清明早課未畢程宅已來催客本欲答劉清泉因此未能往

步從白鷺橋上至城隍丞馮絮卿先在段海侯黃將丁篤生繼至伯琇

最後來席散已晚步至白鷺橋已不辨路高下適船至乃還夜月甚佳

率諸女步月作杏酪

九日晴將出石鼓答訪胡鎮北孝廉適有衡陽童生來見云蕭姓取第三衆云監生不可取課有此例否余唯唯應之以非我本識也兒女讀畢並攜至楊園看花唯有木筆將與海侯談迫暮步月還一女一孫均奈

不何矣夜月寢忽大風雨

十日晴煖文若火南皋來沈子粹曹郎應堂沈蒼甫來云衡陽令子來受業名壽黎字叔獻老廩生矣年廿一頗似黃星漁父似易實甫均留飯道臺來送課卷欲假我名以行其私阻勉應之此皆爲貧而仕之苦無人知我也

十一日魏亦農來無須而肥其言繼續之害鈔經督課如額晴煖

十二日晴晨起設薦

曾祖母生辰出客拜兩縣並過舊令詣隆兵備劉心葵高保吾高處牡丹

一花頗爲娟麗出城詣石鼓答胡敬侯熟此縹緲易衣猶有汗洽至樊

湘綺樓日記

光緒十八年壬辰

十

琅園處聽曲二麻一周馮程楊餘未及問居然圍鼓笙簫間作度曲將

百調留食再唱散已二更步月渡湘與馮楊循燈至東岸馮宅門首馮

歸楊同步至其家門月色正明東風吹衣至灘呼渡家人半睡矣夜起

風

十三日陰雨風涼督課一日夜大雨沈酣湘流復黃如綠映水饒有春色

湘蘭滿花馬縷紅綴雜樹皆碧鳩啼甚急正清明景物也

十四日雨連日夜驟冷復可皮衣鈔奏風早可畢忽愴遂置之說渭陽在

華山下乃悟晉東於秦將千里地理荒疏如此

十五日大雨風寒午後復晴昨未加衣今復忍凍甚不適對飯不思食已

而父飢頗難調理

十六日晴稍理通課作西禪募疏明果來送黃精夜月劇佳小坐賞之齋

子來

十七日晴午課未畢王魯峰來欲覓閱卷館恐其未勝任也辭以不薦與同船渡湘至鐵盧門登岸昇饒隆書村客訪胡蓮亭辭以有客入小西門至衡陽曹子已去二沈略談鄭少耶出未及談聞府考童生散去云拔毛連茹討以金谷及峒嶺萬碑皆別字故不服也府尊方厲精考校而復得此報所謂求全之毀因過劉心葵小坐復至程家更服步訪備承遇子粹別去至江南館又遇之因與同訪容臣云在朱嘉瑞店入則朱方請我容臣亦同出過袁海平秦在王店相待遣邀看花出城正冥矣待渡又稍久還院月上賞玩久之

十八日晴劉心葵來答訪云心安可補糧道補課未畢已復日夕新生來見者數人皆無威儀作文戒飭之擬作具留隆道臺一飯以報加禮

十九日晴方欲理課適諸客饌具皆須自料理賴晨書三紙耳日間露兒寫學規遂未作課僅爲四女初字而已日夕高都司段懷堂袁監院相湘綺樓日記

光緒十八年壬辰

十一

繼來客去甚倦夜早眠

廿日晨雨旋見日朝食後遂兩道臺送學便留食答其公局及私燕二次之禮也請僑丞作陪因請通判以黃營官陪恐兩縣來設一席兼請教官及程楊丁段共十五人俱不至來者程生丁篤生耳四客中道臺本當早來因請反晏申初始起學客散已夕始聞子規

廿一日雨竟日午課畢泛湘至南門昇至朱嘉瑞陪僑丞絮卿沈子粹秦容臣程生均在燒蟹菜甚佳夕還雨濛草碧春思滿川

廿二日晴遣番子視瑞放三百赤市並無大夫赤市之說亦可謂奇聞也諸儒朦朧誤我一生可笑亦可恨

廿三日辛巳穀雨晴煖可單衣將出遊陰雨忽至鈔詩又畢一卷湘漲平岸月爾其開桑葉成陰蟄已頭眠矣子規夜啼雨聲愈壯

廿四日晨大雨朝食後晴遣覓備廬於秦容臣得一枚皆不可用以無人

留之

廿五日晴南風其煖課畢將午睡因循未得鄒刻字來取新鈔詩二卷與之寫刻

廿六日晴南風吹樓及茂有聲煖不可衣夜往楊家尋海侯談彼尙未知周公用主禮之事可怪也

廿七日晴彭僕去沈萱甫及卜厚生來小坐去夜轉風始涼

廿八日雨涼復絲鈔詩欲畢諸女初字亦將畢六千文矣說三百赤市机亦知三百人不安又偽造距躍三百曲踊三百一說以爲三百注腳千載而下如見其肺肝不然何三百如此之快迅耶以文爲戲未免太任意不似文人所爲爲李孫改韓詩

廿九日雨魚子水大至春思滿川所謂熙熙登春臺者鈔風詩畢紙亦罄湘綺樓日記

光緒十八年壬辰

十二

矣米販索錢借銀與之去年窮未是窮今年窮雖也無不知其所以然寫字數紙惡劣不可看取其塗滿而已以身爲人役亦須遇能役人之人若不知艱難但欲富差徒自敝耳

晦日雨晨起登樓有詠詩之意學徒紛至遂不成詠已而擬課題看謝詩勉擬一首魚子滿川唐以前無詠者欲作兩句而意必熙熙非雅言也僅以一句備故實而已諸女初學六千文實爲奇功

四月朔己丑雨晨出講堂訓諸生雖有四十餘人未知學者有幾已屢飭整齊猶未肅靜兒女看書亦行故事秀良者不易得也

二日雨竟日攷榔榔地略分三輔皆在河北欲作一圖涉讀久淹竟無從下筆也

三日雨晨起登樓看說文重複俗字太多可作一書檢之懿兒講楚詞畢無可講者令看類書師勞無功莫過於此寫詩第二本畢六日矣更無

功課

四日晴煖水漲平岸遣覓鈔書紙欲重鈔詩箋一通猶未果也所謂老嫗五日復雨看課卷攷練衣黃裏無說通之姑以爲皮弁出接賓客之服國君之制若以爲祭服實不通也

六日晴爲丁生改禮記攷一篇未甚精確王嘉禾兆涵代便令來訪洲中無設備肉湯索麪款之

七日晴程帆樵淡竟變白鮓二沈生來送之渡湘已有夏氣即還諸女校說文皆欲渴睡數休之日限一篇不令少耳莪女被訓飭遂稱病不起

八日晨晴午雨夜遂點滴似冬爲李孫改時務策一篇頗爲扼要始重鈔

紀風

九日丁酉立夏雨晨起最早沈子粹來辭行作蘘飴餉之不飯而去捕督功課已不及看類書矣

湘綺樓日記 光緒十八年壬辰

十三

十日晴鈔書最勤兼三日之功欲檢水經注經地別鈔之鈔兩三條而止以無其古說多影響之言於說經無甚益也算諸女初字已過七千

十一日晴看說文饒誤以爲錫字重看乃知不同所謂晬及之者湘潭沈贊勳字約門自云廿年前曾往還今來求館兼挾子筠書少坐去鄭贊侯來談鏡初臨終有無數呼冤者蓋其戒殺疑心故生命示報未了生死之魔也夜始出兩齋一行視

十二日晴早課畢命舟出送沈子粹至瀟湘門覓渡不得還泊柴步登岸尋一程均出天極悶蒸欲雨得功兒書當復因留書程家已亟還船頃之不雨復上岸看秦容臣命移舟太史馬頭雨復欲至地溼不可坐遂還楊家覓得一備嬸來

十三日雨竟日覺長不能得乾葉蠶娘當愁苦時而但責男工摘桑可笑也因此始知桑婦之苦無異農人憂旱凡事非親見不知午眠多膠起

乃奮然呼縫工作夏衣與書鄭衡陽辭戲酒

十四日霽陰紙女生日放學閒戲聞花香甚甜未辨何薰有類崇禎所聞者豈客氏復生耶人心甚不易持方悟六賊之說大有體會向來論無鼻有鼻無大關涉十年前鼻塞兩月不甚知苦今鼻通乃甚危也急收攝靜念以正之俄而啞然

十五日晴停課一日

先祖妣忌日午後設奠鈔鄒風畢諸女校說文字畢但須補部首一分夜改廖生課卷

十六日晴一日未鈔書正欲閒談播蕉坡秦容臣繼至客去又倦矣補部首篆百字點畫不成恩恩便罷

十七日陰夕雨鈔詩三葉真女獨初字得三分之二耳

十八日晴秦容臣來攷旄麾翻同異未得確證出城始謁衡守鄭贊侯遇

湘綺樓日記 光緒十八年壬辰

十四

黃鎮言湖北事還至俊臣處小坐甚熱夕還夜雨作小詞

十九日雨遣借線絲具未得蠶畢成繭亦自可觀

廿日晴課早畢算繁廐馬數誤以六爲三齟齬不合檢單衣竟失之

廿一日晴但課初字巡四齋人半去矣夕食前入城兩縣招飲看戲復見朱月秋正十年矣與絮卿程楊同坐更有一任師耶陳委員一更散得文心書

廿二日晴鈔詩三葉至夜乃畢之許惺吾程楊來乞荷花夜往載還釣者得鯉魚與食之

廿三日晴有求常百盧斯文亦吾病不勝其好逸之思而至有求雖智鑑不能燒也西禪僧送枇杷來謝未見偶丞送肉蕭園橋來坐一日留飯去

廿四日晴晨畢鈔書及字課朝食後得石珊書言熊子事午至城看題名

錄湖南中者多熟人蜀生中三人亦名下翁師定能衡鑒會戲江南館
聽曲至六時然吾未費日也夜還怯風步歸今日王子小滿夜見陳芳
晚書

廿五日無事

廿六日陰晴頗熾督課早畢復女復患喉痛夜無人管乃知孤女伶仃與
羅生講書理

廿七日大雨晨移復女自領之並遣迎醫暫停書課唯令看切字夜寢稍
安

廿八日晴鈔衡風畢說萱草別無可證唯有丹棘一說未知金針爲萱出
何典記唯改錫榮義比舊稍切午詣俊臣潘蕉坡與商綵同行至其家
門各散余赴樊環園處聽曲喫飯二更散

廿九日雨新燕來翔不巢而去復女大愈滋女又腹痛蓋熱溼所致夜發
湘綺樓日記

光緒十八年壬辰

十五

明課題遺熊使去

五月戊午朔晴宿齋內寢唯督字課小兒不可一日間斷

二日己未祈祭

祖考仍以續祝詞稱之不嫌也已正利成饒畢瀏陽送文卷衡永送館
金丁段請飯似有受緼之兆船至丁馬頭登岸至水師營看張銘批稟
同至馮家段陳皆在遂同至丁家游楊園滿園溼暗不可行伯瑋後至

設食初飽後呢末夜還看李老友伯寅墓志雖不得體亦尚不俗

三日晨陰復芳晚書送八元與從姆書送廿金取百元還帳算火食今年
四月用去百六十金而寄冊金回家矣每月猶卅金未爲節也然一節
百金而百事可舉信錢之通神

四日雨溼不可奈坐樓上竟日攜女孫鬪牌連負甚愠馮送樓又謝喉
科歐生辦節物西禪僧來

五日節晴晨醒已晏家奴未起也得郭生郭書蒸煊未解質節者皆謝不
見午拜

影堂看競渡鬪牌半日哺食馮絮翁送鷺楊伯瑋送機扇緋衣猶汗蠱聲
如雷非佳境也夜早眠

六日陰蒸熱息風三日便如盛夏覺伏中猶較快也午浴緋衣未覺能涼
七日晴熱看瀏陽課卷講課如額遺募盆米於清泉辭以僧道無緣驟聞
正論不覺自沮

八日晴吳僮飽欲颺去頑不可使復遣之看課卷督字課餘無所事夜月
九日陰遣尋黃營借錢云往衡山矣百孔千創方知易笏山之窘況夜大
雨賀年子遣相聞

十日雨竟日滋生日放學一日寫對聯畢樓上鬪牌切字閱卷畢食湯餅
看新婦

湘綺樓日記

光緒十八年壬辰

十六

十一日雨理學徒常課得郭書即復二函水漲平岸是日戊辰芒種

十二日晴教紙女少孫寫信備嫗育所私盡捲衣物以逃其人追至洲上
闖入廚房抱持而去可駭也亟遣之盈孫始學切字二文

十三日晴

先祖考忌日素食居內程生自瀘溪教官回來見大水特來便服見之午
設奠畢課字停餘課

十四日晴切字畢入城看僑丞先過容臣求女工絲車與至朱德臣店中
求之不得同至程家遇僑丞遂留夕食看彭祠得浙書夕仍與秦還步
至衣莊看衣有一件甚似故物欲買之

十五日晴從黃總兵借錢得百千補發瀏陽獎銀復與兒書

十六日晴荒嬉半月矣事不可長復鈔詩三葉懿病困臥女婦繯絲始知
衰謫法得瑞書

十七日晴鄭生來云即當上省託帶課卷去因補送慈母七十壽禮與書

朵翁兼教少孫作家書紛紜至夜半乃畢

十八日晴熱無風甚悶遣番子上丁並送鄭去看詞譜改課文

十九日晴鈔詩三葉懿始來講西禪僧來復校譜稿楊誠齋說塞翁吟衰

颯帝臺春不順隔浦遙奇煞闌百花無味今譜此四調於下

一 二 三 四 五 六 七 八 九 十 十一 十二 十三 十四 十五 十六 十七 十八 十九 二十 二十一 二十二 二十三 二十四 二十五 二十六 二十七 二十八 二十九 三十 三十一 三十二 三十三 三十四 三十五 三十六 三十七 三十八 三十九 四十 四十一 四十二 四十三 四十四 四十五 四十六 四十七 四十八 四十九 五十 五十一 五十二 五十三 五十四 五十五 五十六 五十七 五十八 五十九 六十 六十一 六十二 六十三 六十四 六十五 六十六 六十七 六十八 六十九 七十 七十一 七十二 七十三 七十四 七十五 七十六 七十七 七十八 七十九 八十 八十一 八十二 八十三 八十四 八十五 八十六 八十七 八十八 八十九 九十 九十一 九十二 九十三 九十四 九十五 九十六 九十七 九十八 九十九 一百

一 二 三 四 五 六 七 八 九 十 十一 十二 十三 十四 十五 十六 十七 十八 十九 二十 二十一 二十二 二十三 二十四 二十五 二十六 二十七 二十八 二十九 三十 三十一 三十二 三十三 三十四 三十五 三十六 三十七 三十八 三十九 四十 四十一 四十二 四十三 四十四 四十五 四十六 四十七 四十八 四十九 五十 五十一 五十二 五十三 五十四 五十五 五十六 五十七 五十八 五十九 六十 六十一 六十二 六十三 六十四 六十五 六十六 六十七 六十八 六十九 七十 七十一 七十二 七十三 七十四 七十五 七十六 七十七 七十八 七十九 八十 八十一 八十二 八十三 八十四 八十五 八十六 八十七 八十八 八十九 九十 九十一 九十二 九十三 九十四 九十五 九十六 九十七 九十八 九十九 一百

一 二 三 四 五 六 七 八 九 十 十一 十二 十三 十四 十五 十六 十七 十八 十九 二十 二十一 二十二 二十三 二十四 二十五 二十六 二十七 二十八 二十九 三十 三十一 三十二 三十三 三十四 三十五 三十六 三十七 三十八 三十九 四十 四十一 四十二 四十三 四十四 四十五 四十六 四十七 四十八 四十九 五十 五十一 五十二 五十三 五十四 五十五 五十六 五十七 五十八 五十九 六十 六十一 六十二 六十三 六十四 六十五 六十六 六十七 六十八 六十九 七十 七十一 七十二 七十三 七十四 七十五 七十六 七十七 七十八 七十九 八十 八十一 八十二 八十三 八十四 八十五 八十六 八十七 八十八 八十九 九十 九十一 九十二 九十三 九十四 九十五 九十六 九十七 九十八 九十九 一百

一 二 三 四 五 六 七 八 九 十 十一 十二 十三 十四 十五 十六 十七 十八 十九 二十 二十一 二十二 二十三 二十四 二十五 二十六 二十七 二十八 二十九 三十 三十一 三十二 三十三 三十四 三十五 三十六 三十七 三十八 三十九 四十 四十一 四十二 四十三 四十四 四十五 四十六 四十七 四十八 四十九 五十 五十一 五十二 五十三 五十四 五十五 五十六 五十七 五十八 五十九 六十 六十一 六十二 六十三 六十四 六十五 六十六 六十七 六十八 六十九 七十 七十一 七十二 七十三 七十四 七十五 七十六 七十七 七十八 七十九 八十 八十一 八十二 八十三 八十四 八十五 八十六 八十七 八十八 八十九 九十 九十一 九十二 九十三 九十四 九十五 九十六 九十七 九十八 九十九 一百

一 二 三 四 五 六 七 八 九 十 十一 十二 十三 十四 十五 十六 十七 十八 十九 二十 二十一 二十二 二十三 二十四 二十五 二十六 二十七 二十八 二十九 三十 三十一 三十二 三十三 三十四 三十五 三十六 三十七 三十八 三十九 四十 四十一 四十二 四十三 四十四 四十五 四十六 四十七 四十八 四十九 五十 五十一 五十二 五十三 五十四 五十五 五十六 五十七 五十八 五十九 六十 六十一 六十二 六十三 六十四 六十五 六十六 六十七 六十八 六十九 七十 七十一 七十二 七十三 七十四 七十五 七十六 七十七 七十八 七十九 八十 八十一 八十二 八十三 八十四 八十五 八十六 八十七 八十八 八十九 九十 九十一 九十二 九十三 九十四 九十五 九十六 九十七 九十八 九十九 一百

一 二 三 四 五 六 七 八 九 十 十一 十二 十三 十四 十五 十六 十七 十八 十九 二十 二十一 二十二 二十三 二十四 二十五 二十六 二十七 二十八 二十九 三十 三十一 三十二 三十三 三十四 三十五 三十六 三十七 三十八 三十九 四十 四十一 四十二 四十三 四十四 四十五 四十六 四十七 四十八 四十九 五十 五十一 五十二 五十三 五十四 五十五 五十六 五十七 五十八 五十九 六十 六十一 六十二 六十三 六十四 六十五 六十六 六十七 六十八 六十九 七十 七十一 七十二 七十三 七十四 七十五 七十六 七十七 七十八 七十九 八十 八十一 八十二 八十三 八十四 八十五 八十六 八十七 八十八 八十九 九十 九十一 九十二 九十三 九十四 九十五 九十六 九十七 九十八 九十九 一百

廿日晴南風午後北風夕涼大雨前二夜未美睡始得清枕簟也看課文

湘綺樓日記 光緒十八年壬辰 十七

講讀鈔書如額夜雨傾盆

廿一日雨檢汗衫盡失之唯存八絳蓋儲婦所竊以遺其夫又當作之仞

字畢放學鈔書三葉

廿二日雨復女生日去年已作十歲今但放學耳小不適一日未食亦似

去年則可異也仞字不可曠日仍令如課

廿三日陰鈔書半葉看孫退谷筆記似欲修史而斷爛不完未知其用夜

早睡

廿四日晴移兩女下樓日光漸灼也重看吳梅村詩專以用故事為長是

當時風氣

廿五日晴熱備丞來尙衣枳賀郎來留飯去夜看陸燺文鈔正如說夢所

謂經濟之學如此賀文編似尙稍博也秦子和送洋綉紗來

廿六日陰仍熱南風吹衣風止即蒸所謂愜也連日唯晨鈔一紙盡日跋

臥移榻樓上

廿七日甲申夏至雨甫移入而涼未便仍出看許玉叔試帖張茂先所謂

廿年內書也雲帳已破重為裝之

廿八日雨竟日仍移外齋課字鈔書檢地圖尋汝墳所在今以葉裕之間

為汝墳水經注以渦淮之間為汝墳彼以潰為頰也其說近是

廿九日雨連日夜昨誤展一日齋夫又誤以為月大每日有日記而往往

差日賴有臨書記日可檢校耳

六月丁亥朔雨涼始出堂點名領膏火者畢至有陶鈞者誤後而索房洵

洵遂墮落李生門瑣余以瑣門本當墮落但不當徑入內齋申飭之因

自巡樓上下則人滿矣鈞又來謝罪則更釀拙喻止之此衡陽人不知

事如此以為上舍生何其謬取總為要錢所害也

二日晨雨止水漲平岸乘潮入城便過楊伯琇聞庶常湖南選六人可謂

湘綺樓日記 光緒十八年壬辰 十八

多矣孫萊山告病文卿當入樞府耶過備承遇海侯程孫段去程留坐

久之步出登舟至對岸雨至強進數丈斜風細雨避人檐下道看絮卿

借轎來伯琇適在留飯還船已暮僅而後至皆從稻田行舟云水通鄣

湖損膏腴田數百頃雨仍不止小坐即睡

三日雨竟日水退氣寒小不念課講鈔書聊了日課黃船生送一慵婦云

年輕秀麗家人皆欲殺以前備索高價姑留之

四日雨竟日水退五尺矣困臥不能理事強起畢課

五日陰稍愈蒸溼不快臥看小說明清科場文亦自有經營想境鞭辟入

裏之義但識見可笑耳觀此乃不能不合定制之陋若移以說經必發

明積疑矣不肯放人心眼宜其鄙淺

六日陰仍未愈小女字課其荒未能卒業而已之餘課亦不復理臥看平

話詮匪所作也

七日晴早鈔詩半葉說采蘋盛湘乃知大夫妻不能視饌饗天子用大夫禮后亦不視饗也故周官無視饗文而詩美踏踏又何說乎戶西牖東位不可易東南曰交牖所在也以交木名之宦以度閣名之但四隅各制名制必有異君子主與恆當戶未可南面向門布席而寢其必更有屏蔽乎段海侯西禪僧來

八日晴稍愈晨鈔詩畫課均畢尚有暇程生復來就學移房居之諸女並入內夕有雨

九日晴風涼真女字稍生蓋日溫八百太多當酌減二百自明日始

十日晴復令程生講禮記仍有當改定者日課甚忙竟不暇寫書來報寄鴻都尉之喪

十一日晴復看禮儀殊多未暇夕攜盈孫與程懿步至楊家尋海侯談箱序未盡其說余近欲改箱即序端未知可通否

湘綺樓日記

光緒十八年壬辰

十九

十二日陰諸女游西湖工人盡去絮卿來無人具茗小坐而去真女獨認

字未幾游人還凡三遇雨幸未霑濡耳湖頭蔡生來外家族人也

十三日晨雨俄止陰涼夕熱更浴始理方名檢遺漏者滿屋散錢殊難校

對

十四日庚子小暑涼看課卷復思秦伯不名嫡得之也乃謂嫡得中國之

禮故以中國進之餘則從同故初不發問夜初更聞院中嘈嘈城中失

火諸生家城中者並去

十五日晴摺子來得蕭順孫蜀書城中選者皆官僑丞家亦驚動夜往看

之則安堵如故過程郎同坐乘月舟還

十六日晴看課卷畢始得秦伯不名之例東禮不名即中國書名也不足

以示進退故於其始卒反名之至後乃不名與諸國之先名而後不名

一也說者殊未思乃為慶生改一藝疑頓顛顛亦一快也

十七日晴衡人今日嘗新家家設祭頗有年景程楊衣冠來初以為楊來辭行及見拜饗則為陳家送八字僑丞欲與我結昏其少子八齡矣唯幼女相當因即回庚與之向例所無乃古禮所有也夕息風頗熾頃之乃涼

十八日晴有風重校饋食禮改定箱即序端似無不合陳郎兆奎完夫新

入學來見

十九日晴熱課畢已將夕作詩一首贈陳十一郎

三寶錄妙實成功詩選與不須求將補錄未肯讀年小點墨初寫時用傳韵誤重

押重復改之可笑也定老矣下筆易譌黃生願一備廬來蘇州秦氏頗有舊家格近來所罕但篤老小女輩不能優之婦初求去亦不去矣

黃備不諳官禮立即遣之桂陽劉生來見

廿日陰涼諸生畢來外舍已滿為諸女切字畢小臥日見蒸悶汎湘至容

湘綺樓日記

光緒十八年壬辰

二十

臣處少坐答訪蔡翁徐孫因至安記絮卿方與陳渭春打審出談頃之

昇至僑丞處答訪十一郎容臣先在懷堂魏伊農海侯朱德臣胡鎮南

薑亭程楊繼至設一席芹酌也未夕散

廿一日晴摺子告去與黃備同行僕從零落遂無人應門夏戶部兩子來

誨以干祿之道及家庭爭財之事聞唐葆吾之喪茲渠家遂無人撐持

可歎也此則多財之累若吾身後無所可撐持則無所陵夷午間率諸

女清方名檢遺漏滿屋散錢大風吹樓欲傾滿樓漂散繼以雷電實駭

心目避之後廊然九千文不可復理矣風止仍清得二百文失散者十

之一當再檢之

廿二日晴熱檢字近二千亦有可樂劉生允嘉來始罷夕食汗浹衣急浴

復汗夜移樓上

廿三日晴稍得涼風檢字數作數休講書稍晚廚人來治具秦容丞來留

夕食云已飯矣

廿四日庚戌初伏得鱖魚羊肉約伯琇來朝食養約嶠侯演祭禮來遲日烈不可動作清談而已二客俱未早飯各食飽待僑丞未初始至飯罷已夕送客去遂暮矣

廿五日晴始得甘食備婦忽病恐其中暑皇然次婦生日辦湯餅殊不能佳偶送林禽新藕備人來上工檢字竟日復女病泄夜起看月

廿六日晴正熱甚爽露復俱病功課俱懈而夕熱聽講不能休愚人多忙責之不可忍熱畢之夜檢方名甚鬱移出外齋開門聲甚厲齋夫夜分不睡未知外間何所作欲出看又須驚動人將私察之近於掩人私遂寐無爲

廿七日晴檢方名竟日多失散詰問湘孫則囑匿樓上呼之不下及夜遂病矣

湘綺樓日記

光緒十八年壬辰

二十一

廿八日晴檢方名益稍愈亦未問其功課

廿九日晴熱連日北風炎氣頗甚坐廊下漠子嚼噉足脛無完膚湘孫病似瘧將問醫防護之

卅日晴日烈將攜湘孫往求醫憚暑道遠兒代往則囑不肯從不得已自攜僕嬬入城至江南館阮郎不在請王輔世來診之石門舊鄰也暫至程家省程母借坐闌還已夕矣

閏月丁巳朝晴晨出點名諸生一夜不睡頗似試場朝食前畢散皆往道考矣檢方名聽講書程生亦草草不能大愈於謫也

二日晴備工告去以我爲可困也即遣之陳郎涓春來留食不就云其甥已辦矣西禪二僧來言寄禪復至

三日晴寄禪來看日記數日不書似於荒怠實則日理字書無暇他及也滿屋散錢以廿日一一清理之大似年大將軍一髮一蠅解俱關精

力只是初寫時一懶遂須一月動始可補教令諸女日理六百更分六書次第別之夜熱傷暑起眠外齋

四日晴得風頓快中伏反涼然已廿日不雨矣檢字六百夕食炒羊甚美已而煩悶不可支佛氏冤親之說疑有之耶何一箸之能爲疾如此夜稍愈

五日晴涼檢字講書火夫去半月殊無人力程家又覓一傭工劉姓來姑留試用遣齋夫除草乃知芍藥久枯恐不活矣

六日晴稍熱然有薰風尚可伏案但入室則膚燥耳臨桂李小浦鼎星自京下第歸道過來見云得之秦子和在螺山守風十日談及因便訪也人樸質頗有本務言及蠶桑不行之故官局蘭斤二百而蘭紙一千鄉民失利者多亦可笑也戴生卒哭來回齋讀書揮汗接二客退亟當風而熱氣灼膚至夜入室則熱五更始解

湘綺樓日記

光緒十八年壬辰

二十二

七日晴檢字竟須半日日以此爲事及罷已倦矣夕下湘看程郎因答彭肅齋送陳郎即過僑丞談來往熱風吹面不可呼吸

八日晴看小說檢字已過半夜不能涼尚可就枕耳日食則大減

九日晴偶作苦熱詩云露枕毛髮煩夜風絳紵溫似有圖雲漢之意因尋樂府詩苦熱苦寒皆述征役之勞知閒居不得言寒熱更無所謂苦也詩不可作玩樵送瓜六枚夜食一枚俱未熟

十日晴向晨即熱初字一百不能復坐罷之游行少愈再坐仍熱蓋今年極暑日矣北風徐起震露驟至雨隨飄入庭階庭下芭蕉頓折四五科而不甚涼將夕乃畢字課五更復雨

十一日晨雨連午途有秋聲昨夜雲暗氣涼川空寂曠不勝沈寥之感蓋四時迭代皆有驚覺無如秋之最愜也然悲涼秋則仍未寫此意苦熱詩既不可作感秋其可廣乎玩樵來言蕭生婦爲雷擊死觀者數千

人其婦有賢孝名而俗云雷不擊孕婦今兩失之遺懿暗焉切字可舉以太久罷之

十二日晴復熱檢字始畢乃定六書之分凡有部類而象形者如眉肩仍象形也有部類而象事者如衣笠仍象事也會意則必兩體皆成文轉注則兩體皆不成文或形不成文也有聲者皆形聲也省聲亦聲不假信而實假借也如此則六書皆有字且截然可分一省牽纏復大次焉十三日晴熱看水經注講禮記又畢一編夜與諸女談時事為誦贈伯足詩忘一句檢稿本則黃生瓊篋中矣荒唐無知可歎也

十四日庚午末伏晴涼程生欲講公羊亦助我溫理姑坐聽之與懿吟書經無異也教初學不必求益有明知無益而於我有益者

十五日辛未巳時立秋立表候之無涼信唯稍陰耳晴晴更熱終日無所事唯切字聽書而已

湘綺樓日記 光緒十八年壬辰

二十三

十六日晴家中未能辦中元前在石門皆用省城寓錢因附書求之並寄詩補箋樣本去

十七日烈日烈風涼居然秋陽矣火夫懶其遣之覓人未得陳僕晨炊王何姬夕露殊不成事夜月如鏡再起裏回

十八日晴復熱偶思桂陽山水看孟辛舊圖兼校全本水經底稿未畢初無同異也又浙中水注文不似道元亦從來所未覽

十九日晨起甚早初無風涼馬倭青子來兒女中已少知者唯次婦尚憶之耳彈指古今可為一歎

廿日晴聞萬臣腹疾遣問之云尙可見客日烈不敢出將俟稍涼入城也今日極熱有雷日之災以為必雨乃竟燭燭至夜南風驟吹炎氣愈盛

工課草草了事已則一無所作也為程生改詩一篇

廿一日晴日光稍淡然熱氣未減二日即末伏矣不患難逃也切字苦不

能畢課因早在樓便檢之至三百已蒸炎如洪鐵避下小睡大風南來桑葉亂飛飄雨橫一丈猶為青蘋末也然無大雷雨頃之而覺得稍涼快進粥一盂食餅四枚日內銳減飯數亦殊不飢臥看小說復溫大傳偶思方六七十如五六十蓋兼殷周三等伯子男國也殷伯七子男同五十故有方七方五之異周則伯三百里食三之一是食百里子二百里食四之一是一是食五十里男百里食四之一則食廿五里三者合百七十五里三百八十八故有六數本據殷制合為一等故皆言六十非真有六十里國也

廿二日晴熱樓窗有風課字未畢衣燥膚烘下房暫睡看船山詩話甚訝子建可云有膽然知其詩境不能高也不離乎空靈妙寂而已又何以賞遠猶辰告之句夜得李雨蒼詩兩月通押駭人聞見戲作一首嘲之

湘綺樓日記

光緒十八年壬辰

二十四

廿三日晴稍涼欲入城畏日遣信去問僮承看鑒錫器還報皆無程生來云城中多病暑盛使然

廿四日庚辰出伏矣熱乃未減晨坐樓上便如蒸熬功課竟未能畢夜看詩二葉蠶漠紛集額腫矣

廿五日晴熱光外灼蟲蠟來較極苦境也然亦不覺昔人視足猶土小痛蜉何足問但較我者亦殊不必豈亦有冤緣耶督課早畢

廿六日晴熱有雨愈暑夜乃小涼何姬告歸求千錢不得可笑也而程家借之功課僅畢早眠

廿七日晨陰朝食後入城省萬丞疾遇醫診脈至一時之久可厭甚矣萬殊不覺反以我方為可怪如此處事安得不憤憤既非性命所關無庸

與爭卽性命關亦不能爭也見其九郎兆蘭字芝年還過卜允齋與陳梅生正將出門要還小坐欲問京中事恩惠不違也字課未畢已夕大雨雨始涼

廿八日晨日鮮紅知爲陰雨之兆暑可逃矣檢水經未下筆海侯來談禮問倚廬地初言在殯宮誤也乃各在其宮庶子從長子耳湘鄉羅培鈞來羅山族人也東洋隨員正欲招客又得二煙客矣云曾家被劫殊駭人聽昨課未畢今更晏急督之未夕而竟程生欲講詩法偶解潘詩二首示之兼言文字之用所以養性情也

廿九日晴起晏日上窗矣夜涼好眠致不覺遲富入城看梅生烈日灼人遲久之乃行步自白鷺橋過子和偶公過程郎王醫留點心乃出訪樊琅園至清泉梅生已出因出城答訪羅知州看藝器入北門看兩賀鄰仙留食其弟亦出見款待殷殷甚有年家雅故亦不特殺尤爲率真也

湘綺樓日記

光緒十八年壬辰

二十五

爲飯兩盤還過二程呼舟泝湘已昏黑猶有熱風秦容臣來

七月丙戌朔晨起盥畢已日出點名發題入城還夜有雨

二日丁亥處暑晴遣人入城治辦嘗盤樓張郎卜臣來鶴帆第三子也名家枚附學生李輔堂所云克家者云求書千黔臬正欲通信即書與

之沈生來謀卜務偶丞送佛手紛紜客使無應門人甚爲倉卒留午飯

無人炊爨遣呼次婦自出辦之幸而得食日課亦未廢差爲有條理

三日陰晴早課畢治具招客羅晉錫最先至陳郎程阮樵子和繼至待梅

生至暮肉乾人飢頗欲設矣家人故遲之將夕乃來卜允齋同至飯畢

猶未昏可知其早辦也

四日晴有雨雷疾風作書與聶仲芳論衡山捐款諸女初字又校一過信

王某友釋例看其分六書目轉注外差爲有倫而說假借處尙非欲更

爲說正之

五日晴得功兒書寄孺人墓志搨本亦有可觀偶錢未至秋萬將臨遣入城先備之丁生母將往長沙因遣次婦同去以省饋送夜雨備工去六日晴看王字說如數家珍亦尙可喜又得贅胎生之說贅書所無也閱課卷有周秉章者甚有心孔道召之人談云已冊餘矣向未從師可也也祁陽彭瑞齡亦有解經可取婦女作包

七日晴朝食後樊衡陽來談頗久客去暫歇初字畢已晏講書後未暇他事少食雨驟至雷風飄雨半屋不可立足非可久居者歲作金銀錠用紙萬張所未聞也蓋孺人興之宜長婦之避事固非一手可辦喬生來正無人炊令暫主之備樞去亦三日矣內外俱定方遣人去更請黃船芝寬之凡人家不可無雜客此等事正須人了夜看集帖

八日晴將出城日約不敢去家信來往返將一月遲滯可笑黃船芝來

九日晴更熱將出報謁學台僕云國忌乃止遣信回並復陳芳晚夕張子

湘綺樓日記

光緒十八年壬辰

二十六

虞預編修來議論亦忼爽非陰鄙者久坐乃去無一人應門沾矣

十日晴晨起送張登舟日出矣聞礮聲知丹發復問梅生亦去矣過偶丞

而還烈日灼人幾不任暴僅而後返樓中已不可坐朝食減少

十一日晴暑氣愈炎日夜無纖風次婦將歸約丁生母同行船已定勸止

之湘孫牀已卷夜從真眠余乃登樓熱未退小坐看月無可共語者

十二日晴朝氣不涼熱將極矣小時笑高旭堂驢語不忘張石卿今乃頻

夢孝達其交情未能至此蓋亦督楚之力耶凡人平等觀極難余用功

卅年未能去其種子挑水夫與總督大有分別何怪俗人之顛倒然外

面排場已做成矣近世尙無能及程生告去令周生移內以彼詞章尙

有思路也

十三日戊戌嘗祭新稻未送從市覓之已而送米人來治具未哺而辦然

熱甚非婦職可任廚人爲之失家法矣申正行禮熱亦稍減鄭贊侯來

靜易翁山父子程生辭去回任送客

十四日晴看課卷畢作書寄文心送墓志得陳芳晚書與書采園云其女

宜留侍養作字三紙

十五日晴北風大作次婦兩孫均待去船過午乃至行李疊疊亦可爲累

矣秀枝夕來飲酒一杯

十六日晴移牀內室掃除布置又一境界也北風猶壯秋日盛陽課讀稍

減講仲山甫家世未知其祖尋世本不得胡增有攷尙詳云仲山甫異

姓之臣漢人說也

十七日晴壬寅白露稍涼猶風寄禪來談官事云李友蘭甚悔召之何備

復來午後飲雨旋止

十八日晴方樂閒靜雅南忽來如牛玉浦遇油襟人通身不自在徐而詢

之云欲干劉鶴齡且令少安看近人古文

湘綺樓日記

光緒十八年壬辰

二十七

十九日晴攜復女下湖看寒溫神至絮卿家小坐叫囂不寧還止大樹下

施榻小坐渡湖看偶丞過程郎言英夷必欲入湖南偶頗知其無害近

識時務者還樹下看天符出巡還舟始夕食懿兒番子均去矣

廿日晴晨理字課畢始朝食黃總兵來云新撫將至作書與劉松生送雅

二子又度一屢講顧命東堂西堂不瞭說輔堂燦燦皆雜裳庶乎無牽

扯之敵

廿一日晴說祛褻分爲二服皆繼袂者似爲穩妥而深衣三袂無文言之

暇尋桐城前後諸家亦有以自樂正所謂俳優之文也初時心粗但覺

其可笑耳臥間房午睡乃不覺受熱醒遂不適至夜大劇

廿二日晴劉心葵來談亦云吳大徵欲立洋馬頭余獨以爲不然節前將

至矣以余度之必先殺人而後要錢乃爲文武之材也外齋日灼移內

未事

廿三日晴頓涼可袷衣臥病一日諸女云頓瘦矣看小說遣日飲酒化痰

覺比他藥爲效

廿四日晴小愈蒸肉不可食亦不思食也秦子和送梨食一枚稍飲否漿

索麪多臥少坐

廿五日晴周生來問古文告以近日所得周云吾論其奇蓋彼日間奇論

而不悟乃以平者爲奇耳夫學之逐末者其始在厭常舍近故益奇也

言治不已而言交鄰言戰言陣言器械至於言噉火奇已極矣乃以言

自治者爲大奇也言學不已而言道言讀書言文言佳惡言駢儷言單

思湊徵至於八家門徑桐城派奇不可究矣乃以言時習者爲大奇也

言仕不已而言科舉言書院正附課言膏火多少言學規言賞罰言規

避至於冒名領卷諸人住齋奇不可方物矣乃以言閉戶用功者爲目

所未見耳所未聞也豈非惑之甚哉由此推之則父子路人而以孝慈

湘綺樓日記

光緒十八年壬辰

二十八

爲奇朋友市道而以然諾爲奇舉古昔之所謂布帛菽粟皆以爲景星

慶雲此又宋儒傳中庸後之別境要皆自以至奇爲至庸者心目中無

庸之非奇也蔡舅徐孫來

廿六日晴將入城賀年子兄弟來並攜一子留飯去已夕僅於中入講詩

二章諸課並停

廿七日晴未日出起命舟下湖自白鷺橋步上至偶處聞州縣小有不靖

張李頗欲求退奇聞也要地難問何能有此想過程生處早飯至衡陽

令衡通判處久談還至阮樵處遇子年允齋云有曲會欲往樊琅圃處

余憚行更邀之來遣約馮絮卿不至飯後步出南門過鹽局正欲飯下

船已昏路沙不可行得唐保吾赴書

廿八日涼雨頓服二粒寫挽對並作常寄鴻一聯

待乾寄唐聯去加一幀報百元也唐氏交情恐自

取重謝書款竹報

此止矣爲之愴然昇舟下湘入柴步門至樊宅聽曲二鼓始散

廿九日雨竟日真始誦經授以特牲自鈔三葉始知特牲爲宗禮今日仲

章死日也未爲設奠以其在三年之中妻子始有忌耳城中移桂來

晦日雨寒鈔禮二葉未賜送卷來無甚可取者以其初學亦隨事誨之諸

生來點卯者三四人

八月丙辰朔晨起出點名發題還內看課卷卅一本畢雨竟日校諸傳鈔

禮二葉

二日晴陰丁巳秋分賀郎送蘇脯云當北行求信薦館

祖考生日設薦馮絮卿送羊秦蓉城送餅莫親庭來云分江南令丁憂還

來看陳中丞夕去食羊過飽夜間眠不安鈔禮一葉

三日晴始涼水漲道陳升還鄉收租並辦牛山祠祭備僕盡去方欲閉門

習靜樊衡陽之弟及卜允裁來任師莊生張某來皆府幕也陳綬卿來

湘綺樓日記

光緒十八年壬辰

二十九

云丁壻來就昏已至長沙頃之文衡州來人客紛紜家無僮僕甚爲忙

窘六客坐半日去陳留飯致丁愼五書去已夕矣晴生來正值客擁擠

少坐即去

四日晴出客晴生莫親庭並與帆樞同行看偶丞殊未愈過商燦發家信

還作二絕句爲江西樊少尉題幀字南陽計方名字七千三百九十八

不到臨山三十又一時比來猶恐客歸無情只有長江水國打空灘四更

絲更作夜雨

五日晴賀子求書爲作二函于李勉林陳自屏鈔禮一葉

六日晴初字畢已過午自出呼舟渡湘循岸尋秦容臣與同過二程便買

水注不得奏力已疲與同還過子和少坐下船還已上燈諸女皆候外

齋飯一盃少坐即寢城柱已香

七日晴艾刻字送諸稿來勢不可理約自往告之鈔經一葉夜雨

八日雨竟日雖清不爽頗有孤寂之傷鈔經督課間以關牌壯心盡消矣

九日雨半日晴後見日夜月甚明家中遣人來送男女傭各一見三兒書

云將還矣功兒又往江夏

十日晴鈔書一葉日課畢後看課卷兼攻堂室之制仍未分明因思宮室

遺規何至蕩盡蓋亦秦壤阡陌並毀之也

十一日晴秦子和送桂來香在夢空憮然不樂兩日頭痛大發遂廢眠食

誰云疥癬可不治也海侯來談

十二日陰絮卿約聽曲閱卷畢而往已後客矣樊卜諸人畢在唱關口者

爲佳元曲亦自頓挫無詞章習氣宜其獨步夜還微雨榜行頗久

十三日昨夜雨不絕及晨愈壯正在岑寂鄭澹侯來談文友甚洽因留早

飯客去過午余猶以爲甚早從容課業旋聞食具尚噴其早鐘表已停

唯視天色似欲夕乃命食又遣兒往程宅問煤炭還已二更雨未停滴

湘綺樓日記

光緒十八年壬辰

三十

湘水復漲得易碩甫書

十四日雨連昨夜無息時冒雨下船看偶丞與其從子美初談偶所最稱

許人也穩當無名士公子習然聞其欲加捐則又甚謬尙未能知其深

大要世俗人算帳草草不能結略爲部署而還醴陵已報捷矣云避兵

者頗動兩縣江西尤擾湖南尙安靜新撫已視事首送軍功與之愈於

璉桂進官耶夜雨勢稍衰然賞月會已不必論看易氏父子詩

十五日陰沈頗固中秋無月幸有桂耳拒霜爭花秋澤間人攜諸女鬪牌

亦各有意見旋復罷之張軀喜作龜婢則又陳僕之流人好尙信不同

刀砧何足樂也而甘之終日子和來談云阿克達春不職乃革道府候

補員數人而本官但察議是候補之賤於質缺有奴主之分也求仕者

可以鑒

十六日陰癸酉寒露鈔經督課程郎來云阿撫查辦諸人並有後議近事

之稍有公道有蕭郎伯康入學來見

十七日陰我始購禮記說五人異席及冠衣純素皆有大疑方知治經無窮

十八日陰有日慶

先祖妣生辰設湯餅饌畢出答蕭郎因過海侯勒特牲疑義還將渡湘日出飭回見一小舟泊門前云瑞女回攜兩外孫女一乳媼虛南室居之夜始見月

十九日晴胡敬侯來言夷務鈔經督課如額頭創夜發不眠

廿日晴晨起沐髮王輔世來鈔經督女課懿兒愚癡廢學矣字允俗拙可恨夕至子和處不遇

廿一日晴鈔經得解頤釋諸室夜與周生論學老生固蔽不可誨也

廿二日晴卜允齋與衡陽尉及蔡生來劉清泉繼至遂忙半日

湘綺樓日記

光緒十八年壬辰

三十一

廿三日晴稍理通課晴生寄其宗子所著書二種亦鄉間肯用功人請爲序刊藏之

廿四日晴朝食後至城外尋容臣與同看偶丞遂入府署答訪任師耶

莊成楊子亭至清泉尉蔣子衡衡陽尉江少兼尋卜允齋過當

鋪看蔡甚飢還至秦家喫菌麪復與其僕入城過二程買柑菊花生紅蓀而還夜食甚甘得功兒郭信陳孫石書夜倦早眠鈔書半葉諸課並停

廿五日晴鈔特牲畢細勘似數前爲簡到然無卓絕處唯攷出玄冠三裳

又得一典制耳

廿六日晴陳升回一事無成復遣下湘涂一滑很不可用並遣之張軀遂求去去其所私故也笑而遣之近日人情詭譎迥非卅年前風氣亂不久矣湖南爲天下樸俗敗壞至此武功太盛故也

廿七日晴畜生熊子並去徒爲船戶笑耳北風大作蔡德民送靈鈔少半

始識性體有一肩而從來無說采蘭盈擔一家厭飲亦口腹之一樂

廿八日陰散學一日攜兩小女秋游便至海侯館中耕夫人必欲昇送且

令兩子留飯饒而從之又生一事矣夕還即睡

廿九日陰得張孝達書筆迹不似早年蓋幕客所爲不然則紅頂必學顏害也亦不似楊銳之作

晦日雨昨日秦容臣來言衡陽館事必欲予至彼探之老漢非了事人余

辭以未聞也還過偶丞小愈可無憂也至程家遇篤生乃知明日船山

生日有祭同至安記聽曲喫魚翅夜散還舟頗有老大江湖之感

九月丙戌朔雨因祀船山不點名擬祭禮既非釋奠又非饋食當用鄉飲

饗禮未遑改定姑依俗三獻行之諸生無衣冠者大半手足無措再演

略勝跪拜耳已至夕矣要海侯來看之設四席食半秦子和及周琴師

湘綺樓日記

光緒十八年壬辰

三十二

李道士蔡畫工來皆絕妙詩料也夜倦早眠

二日陰雨鈔經二葉於戰兢稍稍有據徵讀書不熟不再鈔不覺也經中錯漏不少烏能盡通大要儀禮太僻用功者少以至此改得無甚用不知則大可恥有類刻楮耶

三日戊子霜降陰晴鈔少半畢竟日不得肉食明日當素今日已疏矣塵生來求薦書院又多欲者劉剛直堅苦卓絕之行士林所少奈何奈何

四日晴

先曾祖忌日蕭丁招飲辭焉在外齋聞人語開戶視之二客闐然入一王魯峰一蘇彬把弟來游學者所謂狗衝破忌日者不得已亦延坐與泛談久之客去設薦畢已暮矣

五日晴馮絮卿來邀云其家已設當往候客至則曾未告廚人及諸客可

